



NOGOMETNI/FUDBALSKI SAVEZ BOSNE I HERCEGOVINE

P R O P O Z I C I J E

**TAKMIČENJA KUPA REGIJA
NOGOMETNOG/FUDBALSKOG SAVEZA BOSNE I HERCEGOVINE
ZA 2016. GODINU.**

Sarajevo, Februar/Veljača 2016. godine



NOGOMETNI/FUDBALSKI SAVEZ BIH

Kalendar takmičenja Kup-a regija NS/FS BiH za 2016. godinu

April/Travanj	20.04.2016	<i>Prvi krug utakmica Kup-a regija NS/FS BiH</i>	17:00	
Maj/Svibanj	04.05.2016	<i>Drugi krug utakmica Kup-a regija NS/FS BiH</i>	17:00	
	12.05.2016	<i>Treći krug utakmica Kup-a regija NS/FSBiH</i>	17:00	
Juni/Lipanj	01.06.2016	<i>Finale Kup-a regija NS/FS BiH</i>	17:00	

P R E D S J E D N I K

Elvedin Begić, s.r.

Na osnovu člana 35. Statuta Nogometnog/Fudbalskog saveza Bosne i Hercegovine, Izvršni odbor NS/FS BiH, na sjednici održanoj u Sarajevu 01.02.2016. godine, d o n o s i

P R O P O Z I C I J E

takmičenja Kup-a Regija Nogometnog/Fudbalskog saveza BiH za 2016. godinu

OPŠTE ODREDBE

Član 1.

Ovim propozicijama utvrđuje se način organizacije i provođenja takmičenja Kupa regija Nogometnog/Fudbalskog saveza Bosne i Hercegovine.

UČESNICI TAKMIČENJA

Član 2.

U takmičenju Kupa regija NS/FS BiH učestvuju amaterske reprezentacije kantonalnih/županijskih i područnih saveza sa teritorije NS/FS BiH.

- NS Unsko-Sanskog kantona,
- FS Kantona Sarajevo,
- NS Tuzlanskog kantona,
- NS Hercegovačko-neretvanskog kantona/županije,
- NS Zeničko-dobojskog kantona,
- NS Srednjobosanskog kantona/županije,
- Područni fudbalski savez Prijedor,
- FS područja Sarajevsko-Romanijskog,
- Područni fudbalski savez Gradiška,
- Područni fudbalski savez Bijeljina,
- Područni fudbalski savez Banja Luka.

USLOVI ZA UČESTVOVANJE U TAKMIČENJU

Član 3.

Utakmice Kupa regija NS/FS BiH igraju se na stadionima registrovanim za odigravanje utakmica BH Telecom Premijer lige BiH, Prve lige NS F BiH, Prve lige FS RS i Drugih liga NS F BiH i FS RS.

Član 4.

Za učešće u takmičenju Kup-a regija, kantonalni/županijski i područni savezi moraju pismeno, preko entitetskih saveza prijaviti učešće amaterskih reprezentacija.

ORGANIZACIJA TAKMIČENJA

Član 5.

Takmičenjem Kupa regija NS/FS BiH rukovodi Komitet za takmičenje NS/FS BiH, u saradnji sa Sektorom za takmičenja i upravljanje događajima NS/FS BiH.

Član 6.

U cilju veće ekonomičnosti takmičenja (smanjenja troškova učesnika), organizacija takmičenja provodi se u dvije faze, i to grupna i finalna (završna) faza.

Grupna faza obuhvata formiranje takmičarskih grupa prema geografskoj, komunikacijskoj i regionalnoj pripadnosti, zavisno od broja učesnika takmičenja, odnosno formiraju se dvije grupe unutar kojih se igraju utakmice po jednostrukom kup sistemu, i to:

I Grupa

- FS Kantona Sarajevo,
- NS Tuzlanskog kantona,
- NS Hercegovačko - neretvanskog kantona/županije,
- NS Zeničko-dobojskog kantona,
- FS Područja Sarajevsko - Romanijskog,
- Područni fudbalski savez Bijeljina.

II Grupa

- NS Unsko - Sanskog kantona,
- NS Srednjobosanskog kantona/županije,
- Područni fudbalski savez Prijedor,
- Područni fudbalski savez Gradiška,
- Područni fudbalski savez Banja Luka.

Raspored utakmica u takmičenju određuje se putem totalnog žrijeba.

U svim fazama takmičenja igra se samo jedna utakmica, s tim da svaki učesnik (ekipa) u takmičenju ne može biti dva puta slobodan u toku takmičenja.

Pobjednici grupa igraju finalnu utakmicu.

Finalna utakmica se igra u organizaciji NS/FS BiH, u Trening centru NS/FS BiH u Zenici.

Član 7.

Kantonalni/županijski i područni savezi čije reprezentacije učestvuju u takmičenju obavezni su, najkasnije u roku od 14 dana prije žrijebanja, u Odjel za takmičenje NS/FS BiH, dostaviti:

- mjesto, naziv stadiona i vrijeme odigravanja utakmica
- spisak igrača, boju opreme (dres, gaćice i štucne), kao i rezervnu boju
- naziv alternativnog stadiona za odigravanje utakmica

Član 8.

Zahtjev za izmjenu termina odigravanja utakmica može se podnijeti sedam dana prije utvrđenog termina odigravanja utakmice.

Nakon isteka roka iz stava 1. ovog člana, za izmjenu termina potrebno je dostaviti i saglasnost protivničke ekipe.

O zahtjevima za izmjenu termina odigravanja utakmica odlučuje Komitet za takmičenje NS/FS BiH i takva odluka je konačna.

OBAVEZE KANTONALNIH/ŽUPANIJSKIH I PODRUČNIH SAVEZA

Član 9.

Kantonalni/županijski i područni savez čija je amaterska reprezentacija domaćin utakmice obavezan je pripremiti teren za igru, a odluku o pogodnosti terena za odigravanje utakmice donosi sudija.

Takmičenje se administrativno vodi kroz sistem Comet. Sve ekipe su dužne najkasnije 14 dana prije prvog kola prijaviti maksimalno 25 igrača, samo prijavljeni igrači imaju pravo nastupa do kraja takmičenja.

Kantonalni/županijski i područni savezi su obavezni u Comet sistemu formirati svoju reprezentaciju i unijeti igrače i trenere koji su prijavljeni za nastup u toj reprezentaciji.

Ovjeru registracije igrača vrši administrator igrača NS/FS BiH.

Ekipe domaćin je dužna delegatu utakmice na raspolaganje staviti kompjuter, i internet konekciju.

Savez domaćin je obavezan na jarbolu postaviti državnu zastavu Bosne i Hercegovine, zastavu NS/FS BiH, a mogu se postaviti entitetske i zastave kantonalnih/županijskih i područnih saveza, kao i zastava fair-playa.

Postavljanje drugih zastava nije dozvoljeno.

Savez domaćin je dužan preduzeti sve mjere u cilju obezbjeđenja ličnosti svih učesnika utakmice, za vrijeme i po završetku utakmice, sve do napuštanja stadiona i mjesta odigravanja utakmice.

Savez domaćin je obavezan nadležnoj policijskoj upravi prijaviti mjesto i vrijeme odigravanja utakmice, a na zahtjev policijske uprave i druge relevantne podatke.

Utakmica se ne može igrati bez pripadnika policije, sanitetskog vozila, dežurne ljekarske ekipe i dovoljnog broja redara.

Član 10.

Za vrijeme odigravanja utakmice u tehničkom prostoru ekipe mogu se nalaziti slijedeće osobe:

- službeni predstavnik ekipe (odjeven u odijelo, sa ili bez kravate);
- selektor (koji posjeduje najmanje UEFA "A" trenersku licencu) i dva trenera minimalno sa "B" trenerskom licencom;
- sedam zamjenskih igrača u sportskoj opremi;
- ljekar i fizioterapeut.

Član 11.

Reprezentacije saveza su obavezne na stadion doći 60 minuta prije početka odigravanja utakmice.

Član 12.

U slučaju da su ekipe prijavile, ili su na teren izašle sa istom ili sličnom bojom dresova, dresove će promijeniti domaća ekipa.

PRAVO NASTUPA

Član 13.

Na utakmicama Kupa regija NS/FS BiH pravo nastupa imaju igrači uneseni u Comet sistem :

- registrovani igrači sa pravom nastupa za klubove Druge lige i nižih stepena takmičenja u takmičarskoj sezoni 2015/16;
- igrač mora imati najmanje 19 godina na datum svog prvog nastupa u takmičenju (npr.1.avgusta 2016, igrač rođen 1. avgusta 1997 ili prije ima pravo nastupa)
- igrač mora biti mlađi od 40 godina na datum svog prvog nastupa u takmičenju (npr. igrač 1. avgusta 2016, igrač rođen 1. avgusta 1976, ili prije nema pravo nastupa).

IDENTITET IGRAČA

Član 14.

Identitet igrača se utvrđuje u skladu sa odredbama Pravilnika o nogometnim/ fudbalskim takmičenjima NS/FS BiH.

Na utakmicama Kupa regija NS/FS BiH igrači nastupaju sa sportskim legitimacijama klubova čiji su članovi u vrijeme odigravanja utakmice.

DELEGAT NA UTAKMICI

Član 15.

Delegat na utakmicama Kupa regija NS/FS BiH određuje Komitet za takmičenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Dužnost delegata na utakmicama Kupa regija NS/FS BiH mogu obavljati delegati sa lista delegata BHT Premijer lige BiH, Prvih liga FS RS i NS FBiH, kao i uposlenici Odjela za takmičenje NS/FS BiH.

Delegat utakmice obavezan je 60 minuta prije početka utakmice u prostorijama stadiona održati radni sastanak (brifing) sa predstavnicima ekipa/reprezentacija, sudijama, komesarom za bezbjednost saveza domaćina utakmice i predstavnikom policije.

SUDIJE

Član 16.

Sudije za utakmice Kupa regija NS/FS BiH određuje Komitet za sudije i suđenje NS/FS BiH, pri čemu se uzima u obzir ekonomičnost takmičenja i neutralnost službenih lica.

Utakmice Kupa regija NS/FS BiH sude sudije sa liste sudija BH Telecom Premijer lige BiH, Prve lige NS F BiH i Prve lige FS RS.

Za utakmice Kupa regija NS/FS BiH određuju se sudija, dva asistenta sudije i četvrti sudija.

ZAPISNIK

Član 17.

Delegat sastavlja zapisnik sa utakmice elektronski u COMET sistemu. Klubovi su dužni prije početka utakmice dostaviti ovjeren i potpisan spisak igrača i službenika svoje ekipe na propisanom obrascu.

Po završetku utakmice zapisnik sa utakmice sastavljen putem Comet sistema, savnjavaju delegat i sudija, nakon čega delegat zaključi izvještaj fair playa, a sudija utakmice svojom šifrom zaključuje zapisnik sa odigrane utakmice.

REGISTRACIJA UTAKMICA

Član 18.

Komitet za takmičenje NS/FS BiH vrši registraciju odigranih utakmica najkasnije u roku od sedam dana od dana odigravanja utakmica, a u slučaju ulaganja žalbe na odigranu utakmicu, registracija se odgađa do konačne odluke nadležnog organa po uloženoj žalbi.

ŽALBE

Član 19.

Žalbe po svim osnovama moraju se e-mailom, telegrafski ili telefaksom najaviti u roku do 24 sata po odigranoj utakmici, a obrazloženje sa dokazom o uplaćenju taksu mora se dostaviti u roku od 48 sati po odigranoj utakmici.

Žalbe se dostavljaju Komitetu za takmičenje NS/FS BiH.

Odluka o žalbi donosi se u roku od sedam dana od dana prijema žalbe.

Žalba na odluku Prvostepenog organa može se podnijeti Apelacionoj komisiji NS/FS BiH, u roku do tri dana od dana prijema odluke Prvostepenog organa.

Drugostepena odluka se donosi u roku od sedam dana od dana prijema žalbe.

DISCIPLINSKE ODREDBE

Član 20.

O disciplinskim prekršajima učesnika Kupa regija NS/FS BiH odlučuje Disciplinska komisija NS/FS BiH, a u skladu sa Disciplinskim pravilnikom NS/FS BiH.

UTVRĐIVANJE PLASMANA

Član 21.

U slučaju neriješenog rezultata, nakon utakmice izvode se udarci sa tačke za izvođenje kaznenog udaraca za dobivanje pobjednika na utakmici, prema Pravilima nogometne/fudbalske igre.

Reprezentacija pobjednika Kupa regija NS/FS BiH učestvuje u Kupu regija UEFA.

FINANSIJSKE ODREDBE

Član 22.

Prihodi sa utakmica Kupa regija NS/FS BiH pripadaju savezu domaćinu utakmice.

Utakmice Kupa regija NS/FS BiH podliježu slijedećim troškovima, koje snosi NS/FS BiH:

- delegatsku taksu u iznosu od 70,00 KM;
- taksu sudije u iznosu od 70,00 KM;
- taksu asistentima sudije i četvrtom sudiji u iznosu od po 50,00 KM;
- putni troškovi službenih lica, a uplaćuje se iznos od 20% cijene super benzina po pređenom kilometru, ukoliko se koristi lično vozilo, s tim što u slučaju da na jednoj utakmici službenu dužnost obavljaju službena lica iz istog mjesta, a lično vozilo koristi više lica, isplaćuju se troškovi od po 10% cijene super benzina po pređenom kilometru za svako lice.

Naknade službenim licima isplaćuju se putem Sektora za ekonomske poslove NS/FS BiH.

Kantonalni/županijski/područni savezi snose ostale troškove (prevoz, smještaj, ishrana i dr.) za svoje reprezentacije.

Način finansiranja učešća pobjednika Kupa regija NS/FS BiH na takmičenju Kupa regija UEFA će biti utvrđen odlukom Izvršnog odbora NS/FS BiH.

Član 23.

Takse za žalbe u prvom stepenu iznose:

- | | |
|---------------------|-----------|
| - za reprezentacije | 250,00 KM |
| - za pojedince | 125,00 KM |

Takse za žalbe u drugom stepenu iznose:

- | | |
|---------------------|-----------|
| - za reprezentacije | 500,00 KM |
| - za pojedince | 250,00 KM |

NAGRADE

Član 24.

Nogometni/Fudbalski savez BiH dodjeljuje reprezentaciji pobjedniku Kupa regija NS/FS BiH pehar i 35 medalja.

ZAVRŠNE ODREDBE

Član 25.

Za sve što nije predviđeno ovim Propozicijama kup-a Regija važe odredbe Pravilnika o nogometnim/fudbalskim takmičenjima NS/FS BiH, Pravila nogometne/fudbalske igre i drugih propisa NS/FS BiH.

Član 26.

Propozicije stupaju na snagu i primjenjuju se danom objave u Službenom glasniku Nogometnog/Fudbalskog saveza BiH.

P R E D S J E D N I K

Elvedin Begić,s.r.